

六朝詩集

梁劉孝綽集

應令詠日

弭節馳暘谷照檻出扶桑園葵亦何幸傾葉奉
離光

望月有所思

秋月始纖纖微光垂出簷
臃臃入牀簾彷彿鑑
窓簾簾螢隱光息簾蟲映光纖
玉羊東北上金
虎西南昃長門隔清夜高堂夢容色如何當此
時懷情向胸臆

林下月影

明明三五夜垂影當高樹攢柯半玉蟾衰葉映
金兔茲林有夜坐嘯歌無語晤側光聊可書含
毫且成賦

秋雨卧疾

賈君徭役少潘生民務稀及此同多暇高臥掩
重闌寂寂桑榆晚滂沱暄不晞電隙時光帳風
簾乍扣扉

或作
如飛

對雪

桂華殊皎皎柳絮亦霏霏詎比咸池曲飄飄千
里飛耻均班女扇羞儷曹人衣浮光亂粉壁積

照朗彤闈

風

嫋嫋秋聲習習春吹鳴茲玉樹渙此銅池羅帷
自舉襟袖乃披慙非楚侍濫賦雄雌

上虞鄉亭觀濤津渚學潘安仁河陽縣

詩

昔余筮賓始衣冠仕洛陽無貲徒有任一命忝
爲郎再踐神仙側三入崇賢旁東朝禮髦俊虛
薄廁才良遊談侍名理搦管創文章引籍陪下
膳橫經叅上庠誰謂服事淺契濶變炎涼一朝

謬爲吏結綬去承光享鮮徒可惜治民終未長
化雞仰季智馴雉推仲康北城隣夏穴擩蠹茂
筠篁孝碑黃絹語神濤白鷺翔遨遊佳可望釋
事上川梁秋江凍雨絕反景照移塘織羅殊未
動駭水忽如湯乍出連山合時如高蓋張漂渺
一作沙黃沫聚礪石素波揚榜人不敢唱舟子詎
能航離家復臨水眷然思故鄉中來不可絕奕
奕苦人腸沂洄若無阻謝病反清漳

太子狀落日望水

川平落日迥落照滿川
洋復在淪波地派別引

沮漳耿耿流長脉，熠熠動輕光。寒鳥逐槎泛，鷺
鷗拂浪翔。臨流自多美，況此邊故鄉。榜人夜理
檝，權女闇成裝。欲待春江曙，爭塗向洛陽。

夕逗繁昌浦

日入江風靜，安波似未流。岼迴知舳轉，纜解覺
船浮。暮烟生遠渚，夕鳥赴前洲。隔山聞戍鼓，傍
浦喧棹謳。疑是辰陽宿，於此逗孤舟。

侍宴餞庾於陵應詔

皇心眷將遠，帳餞靈芝側。是日青春獻，林塘多
秀色。芳卉疑綸組，嘉樹似雕飾。游絲綴鶯領，光

風翔綺翼下輦朝既盈留宴景將具高談競辨
端音文爭筆力伊臣獨無伎何用奉嘆息

侍宴餞張惠紹應詔

滄池誠自廣蓬山一何峻麗景花上鮮油雲葉
裏潤風度餘芳滿鳥集新條振餞言班後造光
寵私輒恠徒然謬反隅何以窺重仞

侍宴二首

清宴延多士鴻私濫微薄臨炎出蕙樓望辰躋
茵閣上征切雲漢俛眺周京洛城寺鬱參差街
衢紛漠漠禁林寒日晚方秋未搖落皇心重發

志賦詩追並作自昔承天寵於茲被人爵選言
非綺縮何以儼金釧

又

茲堂乃峭嶠伏檻臨曲池樹中望流水竹裡見
攢枝欄高景難敞岫隱雲易垂邂逅逢休幸朱
蹕曳青規丘山不可答葵藿空自知

三日侍華光殿曲水宴

薰被三陽暮濯禊元巳初皇心睠樂飲帳殿臨
春渠豫遊高夏諺凱樂盛周居復以焚林日丰
茸花耐舒羽觴環皆轉清闌傍席疎妍歌已寥

亮妙舞復紆餘九成變絲竹百戲起龍魚

春日從駕新亭應制

旭日輿輪動言追河曲遊紆餘出紫陌迤邐度
青樓前驅掩蘭徑後乘歷芳洲春色江中滿日
華巖上留江風傳葆吹巖花映采旂臨渦起睿
作駟馬暫停輶侍從榮前阮雍容慙昔劉空然
等彈翰非徒嗟未適

餞張惠紹應令

鮮雲積上月凍雨晦初暘迴風翻淑氣落景煥
新光竹萌始防露桂樾已含芳瑤階變杜若玉

泓發攢蔣聖襟惜岐路曲宴闢蘭堂

侍宴離亭應令

輾轅東北望江漢西南永羽旗映日移鏡吹臨
風警令王愍追送纜舟宴俄頃掩袂眺征雲銜
盃惜餘景首燕徒有心局步何所騁

侍宴集賢堂應令

北閣時旣啓西園又已闢官屬引鴻鷺朝行命
金碧伊臣獨何取隆恩徒自昔布武登玉墀委
坐陪瑤席綢繆叅宴咲淹留奉觴醴壺人告漏
晚烟霞起將夕反景入池林餘光映泉石

班婕妤怨

應門寂已閉，非復後庭時。
况在青春日，萋萋綠草滋。
妾身似秋扇，君恩絕履綦。
誰憶遊輕輦，徒令賤妾辭。

又

寂寂長信晚，雀聲愁洞房。
蜘蛛網高閣，駁蘚被長廊。
虛殿簾帷寂，閑堦花蕊香。
悠悠視日暮，還復守空床。

銅雀妓

雀臺三五日，絃吹似佳期。
况復西陵晚，松風吹

總帷危絃斷復續妾心傷此時誰言留客袂還
掩望陵悲

古意

燕趙多佳麗白日照紅粧蕩子十年別羅衣雙
帶香青樓怨難守玉堦悲自傷復此歸飛燕銜
泥繞曲房差池入綺幕上下傍雕梁故居猶尚
爾故人何可忘相思昏望絕宿昔夢容光魂交
忽在御轉側定他鄉徒然顧枕席誰與同衣裳
空使蘭膏夜烟烟對緜霜

烏夜啼

鷗絃且輟弄鶴操暫停揮別有啼鳥曲東西各
自飛倡人怨獨守蕩子殊未歸忽聞生離唱中
夜泣羅衣

釣竿篇

釣舟畫彩鷁漁子服水紈金轄茱萸網銀鈎翡翠竿促棹欵一作桡隨水脉急艇一作槩作渡江湍湍長
自不辭前浦有佳期船交撓合影浦深魚出池
荷根時觸餌菱芒乍冒絲蓮渡江南手衣踰京
兆眉垂竿自有樂誰能為大師

秋夜詠琴

上宮秋露結上客夜琴鳴幽蘭暫罷曲積雪更
傳聲

簫

危聲合歌鼓絕弄混笙簾管饒知氣促釵動覺
唇移仙史安爲貴能令秦女隨

武陵殿下看妓

燕姬奏妙舞鄭女發清歌迴羞出慢臉送態表
頰蠶寧殊遇行雨詎減見凌波想君愁日落應
羨魯陽戈

酬陸長史倬

王粲始一別，猶且歎風雲。况余屢之遠，與子亟
離群。如何持此念，復爲今日分。分悲宛如昨，弦
望殊揮霍。行舟雖不見，行程猶可度。度君路應
遠，期寄新詩返相望。且相思，勞朝復，勞晚薄。曠
闌人進果，得承芳信殷。勤覽妙書留，連披雅韻
冽。洲財賦物慈，山行旅鎮已切臨。睨情遽動思，
歸引歸歟不可即。前途方未極，覽諷欲諉誦。研
尋還慨息，來喻曷雕金。比質非所任，虛薄無時
用。徘徊守故林，屏居青門外。結宇霸城陰，條開
風暫入。葉合影還沉，帷屏溽早露。階雷擾昏禽。

衡門謝車馬賓席簡衣簪雖愧陽陵曲寧無流
水琴蕭條聊求歌寂寞少知音平生竟何託懷
抱共君深一朝四美廢方見百憂侵日余濫官
守因之沂廬久水接淺原陰山帶荆門右從容
少職事疲病踈僚友命駕獨尋幽淹留宿廬阜
廬阜擅高名岩岩凌太清舒雲類紫府標霞同
赤城北上輪難進東封馬易驚未若茲山險車
騎息逢迎山橫路似絕徑側樹如傾蒙龍乍一
啓磔硤無暫平倚巖忽迴望援蘿遂上征乍觀
秦帝石復憇周王城交峯隱玉雷對澗距金楹

風傳鳳臺瑄雲度洛濱笙紫書時不至丹爐且
未成無因追羽翮及爾宴蓬瀛蓬瀛不可託悵
然反城郭時過馬鳴院偶憇鹿園閣旣異人世
勞聊此化城樂影塔圖花樹經臺總香藥月殿
曜朱旛風輪和寶鐸園援即重嶺階基仍巨壑
朝後響薨棟夜水聲帷薄餘景鶩登臨方宵盡
談謔談譎有名僧慧義似傳燈遠師教逾闡生
公道復弘小乘非汲引法善招報能積迷頓已
悟爲歡得未曾爲歡誠已往坐卧猶懷想况復
心所積茲地多諧賞惜哉無輕軸更泛輪湖上

可思不可見，離念空盈蕩。賈生傳南國，平子相東阿。優游匡贊罷，縱橫詞賦多。微才幸同貫，無令絕永歌。幽谷雖云阻，煩君計吏過。

答何記室遜

遊子倦飄蓬，瞻途杳未窮。晨征凌迸水，暮宿犯頽風。出洲分去燕，向浦逐歸鴻。蘭芽隱陳葉，荻苗抽故叢。忽憶園間柳，猶傷江際楓。吾生棄武騎，高視獨餘雄。旣殫孝王產，兼傾卓氏僮。罷籍睢陽園，陪謁建章宮。紛余似鑿枘，方圓殊未工。黑貂久自弊，黃金屢已空。去辭追楚穆，還畊偶

漢馮巧拙良爲異出處嗟莫同若厭蘭臺右見
訪灞陵東

答張左西

相思如三月相望非兩宮持此連枝樹暫作背
飛鴻若人惠思我攜藻蔚雕蟲仙掌方晞露靈
鳥正轉風方假排虛翮相與北山叢

歸沐呈任中丞昉

步出金華省還望承明廬壯哉宛洛地佳麗實
皇居虹蜺拖飛閣蘭芷覆清渠圓淵倒荷芰方
鏡寫簪裾白雲夏峰盡青槐秋葉踈自我從人

爵蟾兔屢盈虛殺青徒已汗司舉未云書文昌
愧通籍臨仰幸第如夫君多敬愛蟠木濫吹噓
時時釋簿領駟駕入吾廬自嗤誠礪硃無以儷
璠璣但願長閒暇酌醴薦焚魚

江津寄劉之遴

與子如黃鵠將別先徘徊經過一柱觀出入三
休臺共摘雲氣藻同舉霞紋杯流人每曉逝禁
門恒晚開欲寄一言別高駕何由來

發建興渚示別陸二黃門

扁舟去平樂還顧極川梁猶聞棗下吹尚識杏

間堂洛橋分曲渚官寺隱回塘客行裁跬步即
事已多傷况復千餘里悲心未遽央

登陽雲樓

吾登陽臺上非夢高堂客回首望長安千里懷
三益顧惟慙入楚殊私等申白西沮水潦收瑕
丘霜露積龍門不可見空慕凌寒柏

詠柑子

朱實挺江南苞品擅珍淑上林雜嘉樹江潭間
脩竹萬室擬封家千株挺荆國綠葉萋以布素
榮芬且郁得陳終懽宴良垂雲雨育

三婦豔

大婦縫羅裙中婦料繡文唯餘最小婦窈窕舞
昭君丈夫慎勿去聽我駐浮雲

賦得始歸鴈

洞庭春水綠衡陽旅鴈歸差池高復下欲向龍
門飛

愛姬贈主人

卧火疑粧脫鏡中私自看薄黛銷將盡凝朱半
有殘垂釵繞落鬢微汗染輕紈同羞不相難對
笑更成歡妾心君自解挂玉且留冠

贈美人

巫山薦枕日洛浦獻珠時一遇便如此寧關先
有期幸非使君問莫作羅敷辭夜長眠復坐誰
知閨歛眉欲寄同花燭爲照遙相思

侍安成王曲水宴

匪繹良孔殷分區屏中縣躡跨兼流采衿唯邇
封甸吾王奄豐畢析圭承羽傳不資魯俗移何
待齊風變東山富遊士比土無遺彥一言白璧
輕片善黃金賤餘晨屬上巳清袂追前諺持此
湯瀨遊復展城隅宴芳洲亘千里遠近風光扇

方歡厚德重誰言薄遊倦

報王永興觀田

重門寂已暮案牘罷翫塵輕涼生筍席微風起
扇輪浮瓜聊可貴益絹亦或珍復有寒泉井廉
以瑩心神睠彼忘言客閒居伊洛濱顧已慙困
地徒知薑桂辛但願崇明德無謂德無鄰

過渡浙江

季秋弦望後輕寒朝夕殊商人泣紈扇客子夢
羅襦憂來自難遣况復阻川隅日暮愁陰合繞
樹噪寒鳥濛漠江煙上蒼茫沙嶼蕪解纜辭東

越接舳鷺西徂懸帆
馳驥飛棹若鷺鳧言
歸遊
俠窟方從冠蓋衢

夜不得眠

夜長愁反覆懷抱不能裁
披衣坐惆悵當戶立
徘徊風音觸樹起
月色度雲來
下葉依窓落
秋
花向座開
光陰已如此
復持憂自催

陪徐僕射晚宴

夫君追宴熹十日
遞來過築室華池
上開軒臨
芰荷方塘交密筍
對雷接籐柯
景移林改色
風
去水餘波洛城雖
半日愛客待驪歌

權歌行

日暮楚江上江深風復生所思音何在相望徒
盈盈舟子行催棹無所唱流聲

半夜泊鵲尾

客行三五夜息棹隱中洲月光隨浪動山影逐
波流

百舌

山人惜春暮旭旦坐花林復值懷春鳥枝間弄
好音遷喬聲迥出赴谷響幽深下聽長而短時
聞絕復尋孤鳴若無對百轉似群吟昔聞屢歡

昔今聽忽悲今聽聞非殊異
遲暮獨傷心
見鄰舟人投物衆姬爭之

河流旣浼浼河鳥復關關
落花浮浦出飛雉度
洲還是日倡家女
競嬌桃李顏良人惜美珥欲
以代芳管新繡疑故素
盛趙滅衰班曳綃爭掩
穀搖珮奮鳴環
客心空振蕩喬枝不可攀

淇上戲蕩子

桑中始奕奕淇上未湯湯
美人腰雜珮上客誘
明璫日暗人聲靜
微步上蘭房露葵不待勸鳴
琴無暇張翠釵挂已落羅衣
拂更香如何嫁蕩

子春夜守空床不見青絲騎徒勞紅粉粧

梁劉孝綽集終

梁劉孝威集

思歸引

胡地憑良馬懷驕負漢恩甘泉烽火入回中宮
室燔錦車勞遠駕繡衣疲奔貳師已喪律都
尉亦銷蒐龍堆求援急狐塞請先屯櫪下驅雙
駿腰邊帶兩鞬乘障無期限思歸安可言

塘上行苦辛篇

蒲生伊何陳曲中多苦辛黃金坐銷鑠白玉遂
緇磷裂衣工毀嫡掩袖切讒新嫌成跡易已愛
去理難申秦雲猶變色魯日尚迴輪妾歌已唱

斷君心終未親

採蓮曲

金槳木蘭船戲採江南蓮蓮香隔浦度荷葉滿
江鮮房垂易入手柄曲自臨盤露花時濕釧風
莖乍拂鈿

愛妾換馬

驄馬出樓蘭一步九盤桓小使贖金絡良工送
玉鞍龍驂來甚易烏孫去實難麟膠妾猶有請
爲急絃彈

東西門行

廣津寒欲歇，聯檣密纜收。
天高匝近岫，江濶少方舟。
錢淚留神眷，離欸切私儔。
佇變齊兒俗，當傳楚獻囚。
徒然頒並命，祗惡思如抽。

東飛伯勞歌

雙棲翡翠兩鴛鴦，巫雲洛月乍相望。
誰家妖冶折花枝，袖長釧動任風吹。
金鋪玉鎖琉璃扉，花鈿寶鏡織成衣。
美人年幾可十餘，含羞騁咲歛風裾。
珠丸出彈不可追，空留可憐特與誰。

小臨海

碣石望山海，留連降尊極。
秦帝極鈎陳，漢家增

禮秩石橋終不成桑田竟難測蜃氣遠生樓蛟
人近潛織空勞帝女填詐動波神色

半渡溪

本厠偏伍伴一載殄凶渠制賜文犀節驛報紫
泥書入營陳御蓋還家乘紫車皇恩空以重丹
心恨不紆渡瀘且不畏凌溪嗟有餘

鷄鳴篇

埒鷄識將曙長鳴高樹巔啄葉疑彰羽挑花強
欲前意氣多驚舉飄揚獨無侶陳思助鬪恟狸
膏邱昭妬對敵安金距丹山可愛有鳳凰金門

飛舞有鴛鴦何如五德美豈勝千里翔

怨詩

退寵辭金屋見譴斥甘泉枕席秋風起房櫳明
月懸燭避窓中影香迴爐上煙丹庭斜草徑素
壁點苔錢歌起蒲生曲樂奏下山絃新聲昔廣
宴餘杯今自傳王嬙向絕漠宗女入邠連鴈書
猶未返角馬無歸年昭臺有媵御曾坂無棄捐
後薪隨復積前魚誰更憐

賀皇太子春林晚雨

雲樹交爲密雨日共成虹雷舒長男氣枝搖少

女風葉珠隨滴水簷繩下溜空蝶飛濡不颺花
沾色更紅明離信養德能事畢春宮誰堪偶鳳
吹唯有浮丘公

行還值雨又爲清道所駐

齊楚盤石貴韓吳異姓王俱乘早朝罷相隨
建章喧呼驚里閭叫吼駭康莊皂駟同隼擊青
纛以鷹揚掖門南北遠複道東西長旛旗爭駟
官騎鬱相望微風生祭傳輕雨灑帷裳衣分
競道小蓋列成行八舍便繁密五營與復光廻
車避司隸俄軒揖內郎况余白屋士自依卑路

傍日月雖臨照不陋難明揚早榮羞日及晚知
慙豫章徒抱凌雲意終愧摩天翔安能久淪辱
圖南會有方

望雨

清陰蕩暄濁飛雨入階廊瞻空亂無緒望霽耿
成行交枝含晚潤雜月帶新光浮界離還聚沿
漚滅復張浴禽飄落毳風苻散餘香璫綃挂
幕象簾列華牀侍童拂羽扇厨人奉盞觴寄言
楚臺客雄風詎獨涼

賦得曲澗

澗深急易轉，溪水暗難開。
近樓俄已失，前洲忽蕩迴。
石岸生寒蘚，沉根浸水苔。
菱舟失道去，歸鳥迷徑來。

昇天行二首

乘橋追術士，遠之蓬萊山。
靈液飛素波，蘭桂上叅天。
文豹遊其下，翔鸞戲其巔。
乘風忽舉，彷彿見衆僊。

又

扶桑之所生，乃在朝陽谿。
中心凌蒼皓，布葉蓋天涯。
日出登東榦，旣夕沒西枝。
願得紆陽轡，回

日使東馳

結客少年場行

少年本六郡遨遊遍五都
插腰銅七首障日錦
屠蘇鷲尾裝銀鎬犀膠飾象弧
近發連雙兔高
彎落九鳥邊城多警急
節使滿郊衢居延箭服
盡踈勒井泉枯正蒙都護接
何由憚險途千金
募惡少一揮擒骨都
勇餘聊蹴踘戰罷暫投壺
昔爲北方將今成南面孤
邦君行負弩懸令且
前驅

行行且遊獵篇

之杲講射所上林娛獵場選徒嬌楚客召狩誇
胡王罕車已戒道風烏復啓行攸飛具矰繳材
官命蹶張高置掩月兔勁矢射天狼蹠地不遑
逸排虛豈及翔日暮勾陳轉風清鏡吹颺歸來
宴平樂寧肯滯禽荒

隴頭水

從軍戍隴頭隴水帶沙流時觀胡騎飲常爲漢
國羞鬻妻成兩劔殺子祀雙鈎頓取樓蘭頸就
解卸支裘勿令如李牧

一作廣

功多遂不酬

一作功遂

不封侯

蜀道難

玉壘高無極，銅梁不可攀。
雙流遂巖道，九坂澁陽關。
鄧侯束馬度，王生斂轡還。
斂轡懼身尤，叱馭奉王猷。
若恡千金重，誰爲萬里侯。
戲馬吞珠界，揚舲濯錦頭。
沉犀厭怪水，掘鏡表吳丘。
禺山金碧有光輝，遷亭車馬尚輕肥。
彌想王褒擁節反，更道相如乘傳歸。
君平子雲閔不嗣，江漢英靈信已衰。

奉和簡文帝太子應令

太子天下本，元良萬國貞。
周朝推上嗣，漢代懸

重明前星涵瑞彩
洊雷揚遠聲
三善傳樂正
百行紀司成
九流遍已辨
七經咸所精
博聞強子政
高才陵長卿
禮尊逾屈已
德盛益卑情
仙菊貽鍾相
儒道推桓榮
延賢博望苑
視膳長安城
園綺隨金輅
浮丘侍玉笙
智囊前歛笏
端士後垂纓
九仙良所重
四海更垂纓
班輪同策乘
甲館齊蓬衡

奉和六月壬午應令

玄圃棲金碧
虛澗浥琨瑤
築山圖碣岫
穿池控海潮
雷奔石鯨動
水濶牽牛遙
垂竈猶怯渡
鞭

石詎成橋崖崩下生窟壁峭上干霄噪蛙常獨
拂游魚或自跳荒徑橫臨浦空舟斜插橈愁鴟
集古樹白鷺隱青苗神心重丘壑散步懷漁樵
石累元卿徑枝挂許由瓢伊臣本寂寞由來畏
市朝爲貪山水心所競唯道遙寄言周伯况勞
君擅縠綃

幸甘泉宮歌

漢家近夏畢避暑甘泉宮機車鳴里鼓駟馬駕
相風校尉烏桓騎待制樓煩弓後旌猶五柞前
笏度九峻才人豹尾內御酒屬車中輦迴百子

閣扇動七輪風鳴鐘休衛士披圖召後宮材官
促校獵涼秋戲射熊

烏生八九子

城上烏一年八九雛枝輕巢本狹風多葉早枯
毳毛不自暖張翼強相呼金柝嚴兮翠樓肅蜃
壁光兮椒泥馥虞機衡網不得施猜鷹鷲隼無
由逐永願共棲魯氏冠同瑞周王屋莫啼城上
寒猶賢野中宿羽成翮倫各西東丁年賦命有
窮通不見高飛帝輦側遠託日輪中尚逢王吉
箭猶嬰后羿弓豈如變彩救燕質入夢祚周一作

昭公流聲表師退集幕示營空靈臺已鑄像流
蘇時候風

鬪雞

丹雞翠翼張妬敵復專場翅中含芥粉距外躍
金芒氣踰上黨烈名貴下韝良祭橋愁魏后食
跖忌齊王願賜淮南藥一使雲間翔

雀乳空城中

遠去條支國心知漢德休聊栖丞相府過令黃
伯羞挾子湏閑地空井共尋求轆轤絲綆絕枯
棹金蘇稠將怜羽翼長誰辭各背遊

妾薄命篇

去年從越障今歲沒胡庭嚴霜封碣石驚沙暗
井陘玉簪久落髮羅衣長挂屏浴蚕思沫水條
桑憶鄭垞寄書朝鮮吏留劍武安亭勿言戎夏
隔但令心契冥不見豐城劍千祀復同形

驄馬驅二首

十五宦期門二十屯邊徼犀羈玉鏤鞍寶刀金
錯鞘一隨驄馬驅分受青蠅弔且令都護知願
被將軍照誓使羶衣鄉掃地無遺燠

又

翩翩駿馬驅橫行復斜趨先救遼城危後拂燕
山霧風傷易水湄自入壘西樹未得報君恩
聯翩終不住

釣竿篇

試持玄渚鈎暫罷池陽獵翠羽飾長綸藻花裝
小牒鈎利斷蓴絲帆舉擗綸葉聯載前魚童還
看後舟妾

公無渡河

請公無渡河河廣風威厲檣偃落金烏舟傾沒
犀柹紺蓋空嚴祠白馬徒生祭街石傷寡心崩

城掩嬾袂劒飛猶共水
寃沉理俱逝君爲川后
臣妾作江妃姊

苦熱

日暮苦炎溽遷坐接長廊
月麗姮娥影星寒織婦
光棲禽動夜行流螢出
閣墻香盤糝鮮粉雕臺
承蔗漿白羽徒搖幄綠
水自周堂弱紈猶覺重
織絺尚少涼弄風思漢
朔戲雨憶吳王玄冰術
難驗赤道漏猶長誰能
更吹律還令暑谷涼獨
不見

夫婿結纓簪偏蒙漢寵
深中人引臥內副車遊

上林綬染瑯琊草
蟬鑄武威金
分家移甲第
留妾住河陰
獨寢鴛鴦被
自理鳳凰琴
誰憐雙玉筴
流面復流襟

同集徐晉安見宅

夫君退宴喜
十日遞來過
築室華池上
開軒臨芰荷
方塘交密篠
對霽接繁柯
影移林改色
風度水餘波
洛城雖半掩
愛客待驅歌

篋篋謠

結交在相得
骨肉何必親
甘言無忠實
世薄多蘇秦
從風暫靡草
富貴上界人
不見高巔樹
摧

抗下爲薪豈甘井中泥時至出作塵

帆度吉陽州

江風凌晚急征鼓候晨催幸息榜人唱聊望高
帆開聯村倏忽盡循汀俄頃回疑是傍州退似
覺前山來將與圖南競誰云勞泝洄

過康王第苑

入梁逢故苑渡薛想餘宮尚識招賢閣猶懷愛
士風靈光一超曠遠館復蒙籠洞門餘舊色甘
棠留昔叢送悲禽不去過客暮難窮池竹徒如
在林堂暖已空遠樓隔樹出迥澗隱崖通芳流

小山桂塵起大王風具物咸如此是地感余衷
空想陵前劍徒悲壟上桐

望棲鳥

夕鳥飛參差單雄雜寡雌聯翩歸葉裡出沒噪
林垂爭棲時易樹驚飛忽度枝雖無繫書重亦
有含纓疲以茲憔悴力重逢輕薄兒珠丸蘇合
彈金繳青絲縻豈意翩翾羽遂免更羸危入懷
欣得地依林竊願知

登覆舟山望湖北

紫川通太液丹岑連少華堂皇更隱映松灌雜

交加荇蒲浮新葉漁舟繞落花浴童爭澡岬漂
女擇平沙極望傷春目迴車歸峽斜

侍宴林光殿曲水

蒸哉軒頊赫矣堯心女媧補石重華棄金湯羅
禹扇羲瑟農琴皇乎脩矣受命君臨試舟五反
和樂九成鈎楯密戲協律新聲丹杯水激絳彩
榮天吳還往海若逢迎

望隔墻花

隔墻花半隱猶見動花枝當由美人摘詎止春
風吹

重光詩

赫赫重光明明二聖帝作儲述禮和樂正中衢
置高堂懸鏡其酌不窮其明愈盛德音孔昭
民胥儲祥明明二聖赫赫重光風神灑落容止
汪洋瞻彼談扇載抑載揚何期天辯如圭如璋
頽閔函席游夏升堂以卿以士惟公惟王思媚
儲后顧哉樂康芄芃黍苗陰雨膏之誥誥纓冕
儲王導之道之以禮齊之以仁理則採聖言則
窮神訓于四國覃于萬民

郟縣遇織人寄婦

妖姬含怨情織緯

一作素

起秋聲度梭環玉動踏

躡珮珠鳴經移疑杼澁緯斷恨絲輕葡萄始欲
罷鴛鴦猶未成雲棟共徘徊紗窓相向開
睂語度紗輕眼笑來籠籠隔淺紗的的見粧華
鏤玉同心帶雜寶連樹花紅衫向後結金簪臨
鬢斜機項挂流蘇機傍垂結珠青絲引伏兔黃
金繞轆轤艷彩裙邊出芳脂口上渝百城交問
遺五馬共踟躕直爲閨中人守故不要新夢啼
漬花枕覺淚濕羅巾獨眠真自難重衾猶覺寒
玄憶凝脂緩彌想橫塵歡行驅金絡騎歸就城

南端城南稍有期想子亦勞思羅禕父應罷花
釵堪更治新粧不點黛余還自畫眉

七夕穿針

縷亂恐風來衫輕羞指見故穿雙眼針時縫合
懽扇

枯葉竹

枯楊猶更綠卧柳尚還生勿嫌鳳不至終當待
聖明

春宵

花開人不掃節暖衣隨變迴釵挂反環拭淚繩

春
今夜月輪圓胡兵必應戰

和簡文帝卧疾

玉躬耗寒暑群望崇珪璧仁祀盛黃縑禮壇優
紺席憊君楚疾愈俄同宋年益豈勞誦賦臣寧
用觀瀾客

織女

金鈿已照耀白日未蹉跎欲待黃昏至含嬌渡
淺河

九日酌菊酒

露花疑始摘羅衣自適重餘林度不取欲持嬌

使君

冬曉

妾家邊洛城慣識曉鐘聲聲猶未盡漢使報
應行天寒硯水凍心悲書不成

奉和逐涼

鐘鳴夜未央避暑起徬徨長河似曳素明星若
散璫倚岩欣石冷臨池愛水涼月纖張敞畫荷
妖韓壽香對此遊清夜何勞娛洞房

奉和晚日

虬簷挂珠箔虹梁卷霧綃迷迭函香長芙蓉逐

浪搖飛輪轉羽扇翻車引落潮甘泉推激水迎
風愁遠颿寄言王待詔因聲張子僑吾君安已
樂無勞誦洞簫

梁劉孝威集終

梁沈約集

郊居賦

惟至人之非已固物我而自忘自平智以下愚
咸得性以爲場伊吾人之褊志無經世之大方
忽依林而羽戢願託水而鱗藏值龍顏之鬱起
乃馮風而矯翼指皇邑而南轅駕脩衢以騁力
余平生而耿介實有心於獨往思幽人而軫念
望東臯而長想本忘情於循物徒羈紲於人壤
應屬歎於牽幽陸興言於世網爾乃傍窮野指
荒郊縹霜蒨葦寒茅構栖噪之所集築町畦之

所交因犯檐而列樹由妨基而剪巢織宿楚以
成門藉外靡而爲戶旣取陰於庭樾又因籬於
芳杜草則蘋萍芡芰菁藻蘆教石衣海髮黃荇
綠蒲動紅荷於輕浪覆碧葉於澄湖其陸卉則
紫蘂綠葎天菁山韭鴈齒鹿舌牛唇彘肩若乃
園林殊制田圃異區李衡則橘林千樹石崇則
雜果萬株茲豪情之所侈非儉志之所娛欲令
紛披翳鬱吐綠攢朱開丹房以四照舒翠葉而
九衢其林烏則翻泊頡頏遺音上下楚雀多名
流鶯雜嚮或斑尾而綺翼或綠襟而絳頰好葉

隱而枝藏乍間關而來往其水禽則大鴻小鴈
天駒澤虞秋鷺寒鷺脩鷁短鳧翅碎流而起沫
翼鼓浪而成珠其魚則赤鯉青魴纖儵巨鑊碧
鱗朱尾脩顛偃額小則戲渚成文大則噴流揚
白惟鍾巖之隱鬱表皇都而作峻蓋望秩之所
宗合風雲而起潤孤嶝橫挿洞穴斜經千丈萬
仞三襲九成亘繞州邑欵跨郊垵素烟晚帶白
霧晨榮近循則一巘異色遠望則百嶺俱青時
言歸于陋宇聊假日以翺翔獸依庭而莫駭魚
物沼而不綱曉對開花初英落蓋異林而分丹

素因風而雜紅紫紫蓮夜發紅荷曉舒輕風微
動芬芳襲余水懸埒而帶坻雪縈松而被野鴨
屯飛而不散鴈高翔而欲下傷余情之頽暮憂
與愁其相溢悲異軫而同歸歡殊方而並失時
復寄情魚鳥歸間蓬華旁闕吳娃前無趙瑟准
以天地之恩不報書事之官不述徒重於高門
之地不載於良史之筆長太息以何言羞愧心
之非一

高松賦

鬱彼高松栖根得地記北園於上邳依平臺而

養翠若夫蟠株聳榦之懿含星漏月之奇經千
霜而得拱仰百仞而方枝朝吐輕烟薄霧夜宿
迷鳥羈雌露雖滋而不潤風未動而先知託梢
雲於青漢亦倒影於華池輕陰蒙密喬柯布護
葉斷禽蹤枝通猿路聽騷騷於旣曉望隱隱於
將暮暖平湖而漾青綠拂增綺而籠丹素於時
風急壟首寒浮塞天流蓬不息明月孤懸檀欒
之竹可詠鄴枚之容存焉清都之念方遠姑射
之想悠然擢柔情於蕙國涌寶息於珠泉豈徒
爲善之小樂離微之短篇若此而已乎

愍衰草賦

愍衰草衰草無容色憔悴荒徑中寒荻不可識
昔時兮春日昔日兮春風御華兮佩實垂綠兮
散紅巖陬兮海岸水多兮霰積布綿密於寒臯
纖䟽於危石彫芳卉於九衢賈靈茅之三脊
風急峭道難難秋至客衣單既惕簷下菊復悲池
上蘭飄落逐風盡方知歲早寒流螢暗明燭鴈
聲斷裁續霜奪莖上紫風銷葉中綠秋鴻兮䟽
引寒鳥兮聚飛徑荒寒草合草長荒徑微園庭
漸荒沒霜露日沾衣

麗人賦

有客弱冠未仕締交戚里馳騫王室遨遊許史
歸而稱曰狹斜才女銅街麗人亭亭似月嫵婉
如春凝情待價思尚衣巾芳踰散麝色茂開蓮
陸離羽瑁雜錯花鈿響羅而不進隱明燈而未
前中步檐而一息順長廊而迥歸池翻荷而納
影風動竹而吹衣薄暮延佇宵分乃主出闈入
光含羞隱媚垂羅曳錦鳴瑤動翠來脫薄粧去
留餘膩霑粧委露理鬢清渠落花入領微風動
裾

樂府雅樂歌

皇雅

帝德實廣運車書靡不賔執瑁朝群后垂旒御
百神八荒重譯至萬國婉來親

華蓋拂紫微勾陳繞太一容裔被緹組參差羅
罕畢星回照以爛天行徐且謐

清蹕朝萬寓端冕臨正陽青絢黃金纒袞衣文
綉裳旣散華蟲采復流日月光

滌雅

將修盛禮其儀孔熾有膺斯牲國門是置不黎

不猶靡愆靡忌呈肌獻體永言昭事俯休皇德
仰綏靈志百福具膺嘉祥允洎駿奔伊在慶覃
邀嗣

牲雅

反本興敬復古昭誠禮容宿設祀事孔明華俎
待獻崇卑麗牲充哉蘭握肅矣簪纓其膺既啓
我豆旣盈庖丁游刃肩盧驗聲多祉攸集景福
來并

誠雅

懷忽慌瞻浩蕩盡誠潔致虔想出杳冥隆無象

皇情肅具僚仰人禮盛神途敞俊明靈伸敬享
感蒼極動玄象

地德溥昆丘峻揚羽翟鼓應陳出尊祗展誠信
招海若羅嶽鎮惟福祉咸昭晉

我有明德馨非稷黍牲玉孔備嘉薦惟旅金懸
宿設和樂具舉禮達幽明敬行樽俎鐘鼓云送
遐福是與

獻雅

神宮肅肅天儀穆穆禮獻既同膺茲釐福我有
馨明無愧史祝

裡雅

紫宮昭煥太一微玄降臨下土尊高上天載陳
珪幣式備牲牲雲孤清引栴虞高懸俯昭象物
仰致高煙肅彼雲祉咸達皇虔

盛樂斯舉協徵調宮靈響慶洽祉積化融八變
有序三獻已終坎牲瘞玉酬德報功振垂成呂
投壤生風道無虛致事由感通於皇盛烈比祚
華嵩

南郊登歌二首

暉旣明禮告成惟聖祖主上靈爵已獻壘又盈

息羽籥展歌聲優如在結皇情

禮容盛樽俎列玄酒陳陶匏設獻清酒致虔潔
玉既升樂已闋降蒼昊垂芳烈

北郊登歌二首

方壇既埴地祇已出盛典弗讐群望咸秩乃升
乃獻敬成禮卒靈承無兆神饗載謐允矣嘉祚
其升如日

至哉坤元實惟厚載躬茲奠饗誠文顯晦或升
或降搖珠動珮德表成物慶流皇代純嘏不僾
祺福是賚

明堂登歌五首

青帝 帝居在震龍德司春開元布澤含和尚
仁羣居既散歲云陽止飭農分地民粒惟始雕
梁繡拱丹楹玉墀靈威已降百福來綬
赤帝 炎光在離火爲威德執禮昭訓持衡受
則靡草既凋溫風以至嘉薦惟旅時羞孔備齊
緹在堂笙鏞在下匪惟七百無絕終始

黃帝 鬱彼中壇含靈闡化迴環氣象輪無輟
駕布德焉在四序將收音宮數五飯稷駟駟宅
屏居中旁臨外宇升爲帝尊降爲神主

白帝 神在秋方帝居西皓允茲金德裁成萬
寶鴻來雀化參見火斜幕無玄鳥菊有黃華載
列笙磬式陳彝俎靈罔常懷惟德是與

黑帝 德盛乎水玄冥紀節陰降陽騰氣疑象
闕司智莅坎駕鐵衣玄衽寒折地晷度迴天悠
悠四海駿奔奉職祚我無疆永隆民極

宗廟登歌七首

功高禮洽德尊樂備三獻具舉百司在位誠敬
罔訾幽明同致茫茫億兆無思不遂蓋之如天
容之如地

殷兆玉筐周始邠王於赫文祖基我大梁肇土
七十奄有四方帝軒百祀人思未忘永言聖烈
祚我無疆

有夏多罪殷人塗炭四海倒懸十室思亂自天
命我殲凶殄難旣躍乃飛言登天漢爰享爰格
福祿攸贊

犧象旣飾壘俎斯具我爵載馨黃流乃注我我
卿士駿奔是務珮上鳴堦纓還拂樹悠悠億兆
綏臨日煦

猗歟至德光被黔首鑄鎔蒼昊甄陶區有恪恭

三獻對揚萬壽比屋可封含生無咎匪徒七百
天長地久

有命自天於皇后帝悠悠四海莫不來祭繁祉
具膺八神聳衛福至有兆慶來無際播此餘休
于彼荒裔

祀典昭潔我禮莫違八簋充室六龍解駢神宮
肅肅靈寢微微嘉薦既饗景福攸歸至德光被
洪祚載輝

三朝雅樂歌

俊雅三首

設官分職髦俊攸俟髦俊伊何貴德尚齒唐又
咸事周寧多士區區衛國猶賴君子漢之得人
帝猷乃理

開我八襲闢我九重珩珮流嚮纓紱有容袞衣
前邁列辟雲從義兼東序事美西雍分階等肅
異列齊恭

重列北上分庭異陞百司揚職九賓相禮齊宋
勇甥魯衛兄弟思皇藹藹群龍濟濟我有嘉賓
實愷實悌

胤雅

自昔殷代哲王迭有降及周成惟噐是守上天
乃眷大梁既受灼灼重明仰承元首體乾作貳
命服斯九置保置師居前居後日星比耀克隆
萬壽

寅雅

禮莫違樂具舉延藩辟朝帝所執桓蒲列齊莒
垂衮毳紛容與升有儀降有序齊簪綬忘笑語
始矜嚴終酣醕

介雅三首

百福四象初萬壽三元始拜獻惟衮職同心協

卿士北極永無窮南山何足擬

壽隨百里洽慶與三朝升惟皇集繁祉景福互相仍申錫永無遺穰簡必來應

百味既含馨六飲莫能尚玉壘信湛湛金卮頗
搖漾敬舉發天和祥祉流嘉貺

需雅八首

食舉奏需雅取易象雲上於天需君子以飲食宴樂也

實體平心待和味庶羞百品多爲貴或鼎或鼐
宣九沸楚桂胡鹽芼芳卉加籩列俎彫且蔚

又

五味九變兼六和令芳甘旨庶且多三危之露

九真禾圓按方丈祭星羅皇舉斯樂同山河

又

九州上腴非一族玄之碧樹壽華木終期采芝
不盈掬用拂臙腥和九穀旣甘且飫致遐福

又

人欲所大味爲先興和盡敬咸在旃碧鱗朱尾
獻嘉鮮紅毛綠翼墜輕翹臣拜稽首萬斯年

又

擊鐘以俟惟大國况乃御天流至德侑食斯舉
揚盛則其禮不讐儀不忒風猷所被深且塞

又

膳夫奉職獻芳滋不麝不天咸以時調甘適苦
別澗淄其德不爽受福釐於焉逸豫永無期

又

備味斯饗惟至聖咸降人神禮爲盛或風或雅
流歌詠負鼎言歸啓殷命悠悠四海同茲慶

又

道我六穗羅八珍洪鼎自饗匪勞薪荆包海物
必來陳滑甘滫髓味和神以斯至德無垠

雍雅三首

明明在上其儀有序終事靡僭收劔撤俎乃升
乃降和樂備舉天德莫違人謀是與敬行禮達
茲馬謙語

載駿惟阜我肴孔庶嘉味既充食旨斯飫屬厭
無爽冲和在御擊壤齊歡懷生等豫烝庶乃粒
宴由仁恕

百司警列三皇在陞既飫且醕卒食成禮其容
穆穆其儀濟濟凡百庶寮莫不愷悌奄有萬國
抑由天啓

芳樹

發萼九華隈開跼寒露側氤氲非一香參差多
異色宿昔寒飈舉摧殘不可識霜雪交橫至對
之長歎息

有所思

西征登隴首東望不見家關樹抽紫葉塞草發
青芽昆明當欲滿葡萄應作花垂淚對漢使因
書寄狹斜

釣竿

桂舟既容與綠浦復回紆輕絲動弱芰微楫起
單鳧扣舷急日暮卒歲以爲娛

洛陽道

洛陽大道中佳麗實無比燕裙傍日開趙帶隨
風靡領上葡萄綉腰中合歡綺佳人殊未來薄
雲空徙倚

五音曲

宮引

八音資始君五聲興比和樂感百精優游律呂
被咸英

商引

司秋犯兌奏西音激揚鐘石和瑟琴風流福被

樂音情

角引

萌生觸發歲在春咸池始奏德尚仁志懣以息
和且均

徵引

執衡司事宅離方滔滔夏日火德昌八音備舉
樂無疆

羽引

玄英紀運冬冰折物爲音本和且悅窮高測深
長無絕

江南曲

櫂歌發江潭采蓮渡湘南莫須問隱處舟浦予
自諳羅衣織成帶墮馬碧玉簪但令舟楫渡寧
計路蘄嵌

日出東南隅行

朝日出邳鄆照我叢臺端中有傾城艷顧景織
羅紉延軀似織約遺視若回瀾瑤莊映層綺金
服炫彫纈幸有同匡好西仕服秦官寶劍垂玉
具汗馬飾金鞍縈塲類轉雪逸控似騰鸞羅衣
夕解帶玉釵暮垂冠

明君詞

朝發披香殿夕次汾陽河於茲懷九折自此歛
雙蛾沾粧疑湛露繞臆狀流波日見奔沙起稍
覺轉蓬多胡風犯肌骨非直傷綺羅銜涕拭南
望關山鬱嵯峨始作陽春曲終成苦寒歌唯有
三五夜明月暫經過

長歌行

連連舟壑改微微市朝變來切嗣往迹莫武徂
升彥局塗頓遠策留歡限奔箭拊戚狀驚瀾循
休擬回電歲去芳願違年來苦心薦春貌旣移

紅秋林豈停舊一倍茂陵道寧思栢梁宴長戰
兔園情永別金華殿聲微無惑簡丹青有餘綯
幽籥且調無使長歌倦

君子行

良御或燕楚妙察亂澠淄隄傾由漏壤垣隙自
危基囂途戒妄踐黨議勿輕持

豫章行

燕陵乎而遠易河清且駛一見塵波阻臨途引
征雙劍愛恒同孤鷺悲影異宴言誠易纂清歌
信難嗣卧聞夕鐘急坐閱朝暉亟往歡墜壯心

來戚滿衰志殂芳無再馥淪灰定還熾夏臺尚
可忘榮辱亦奚事愧微曠士節徒感鄙主餌勞
哉納辰和地遠託聲寄

相逢狹路間

相逢洛陽道繫聲流水車跼逢輕薄子竚立門
君家君家誠易知易知復易憶龍馬滿街衢飛
蓋交門側大子萬戶侯中子飛而食小子始從
官朝夕溫省直三子俱入門赫奕多羽翼若若
青組紆煙煙金璫色大婦繞梁歌中婦回文織
小婦獨無事閉戶聊且即綠綺試一彈玄鶴方

鼓翼

長安有狹斜行

青槐金陵陌丹轂貴遊士方駿萬乘臣炫服千
金子咸陽不足稱臨淄孰能擬

三婦豔

大婦掃玉匣中婦結珠帷小婦獨無事對鏡理
蛾眉良人且安臥夜長方自私

江籬生幽渚

又云塘上行

澤蘭被荒徑孤芳豈自通幸逢瑤池曠得與金
芝叢朝承紫臺露夕潤綠池風旣美脩嫿女復

悅繁華童夙昔玉霜滿且暮翠條空葉飄儲胥
右芳歌露寒東紀化尚盈吳俗志信頽隆財殫
交易絕華落愛難終所惜改驩盼豈恨逐征蓬
願回昭陽景時照長門宮

却出東西門行

驅馬城西阿遙眺想京闕望極煙原盡地遠山
河沒搖裝非短晨還歌豈明發脩服悵邊羈瞻
途眇鄉謁馳蓋轉徂龍回星引奔月樂去哀鏡
滿悲來壯心歇歲華委徂貌年霜移暝髮辰物
又侵晏征思坐淪越清氛掩行夢憂原盪瀛渤

一念起關山千里顧丘窟

飲馬長城窟

介馬渡龍堆塗縈馬屢迴前訪昌海驛雜種寇
輪臺旌幟卷煙雨徒御犯冰埃

青青河畔草

漠漠牀上塵心中憶故人故人不可憶中夜長
嘆息嘆息想容儀不言長別離別離稍已久空
床寄杯酒

梁甫吟

龍駕有馳策日御不停陰星籥亟回變氣化坐

盈侵寒光稍眇眇秋塞日沉沉高窓灰餘火傾
河駕騰參飈風折暮草蘄竿實層林時雨靄空
遠澗水結清深奔驅豈易糝庭不可臨懷仁每
多意履順孰能禁露清一唯促緩志且移心哀
歌步梁甫歎絕有遺音

東武吟行

天德深且曠人世賤而浮東枝纔拂景西壑已
停輶逝辭金門寵去飲玉池流霄轡一永矣俗
累從此休

怨歌行

時屯寧易犯俗險信難群坎壈元淑賦頓挫敬
通文遽論班姬寵夙寔賈生墳短俗同如此長
歎何足云

襄陽躡銅蹄

分手桃林岸望別峴山頭若欲寄音信漢水向
東流生死宛上水從軍襄陽城一朝遇神武奮
翼起先鳴蹠控飛塵起左右自生光男兒得富
貴何必在歸鄉

江南弄四首

趙瑟曲

邯鄲竒弄出文梓
縈絃急調切流徵
玄鶴徘徊
白雲起白雲起
鬱披香離復合曲未央

秦箏曲

羅袖飄飄拂雕桐
促柱高張散輕宮
迎歌度舞
遏歸風遏歸風
止流月壽萬春
歡無歇

陽春曲

楊柳垂地燕差池
緘情忍思落容儀
絃傷曲怨
心自知心自知
人不見動羅裙
拂珠殿

朝雲曲

陽臺氤氳多異色
巫山高高上無極
雲來雲去

常不息常不息
夢來遊極萬世度千秋

大壯舞歌

高高在上實愛斯人
眷求聖德大極彝倫
率土方燎如火在薪
慄慄黔首暮不及晨
朱光啓耀北發穹旻
我皇鬱起龍躍漢津
言局牧野電激雷震
闕鞏之甲彭濮之人
或貔或武浮杵浮輪
我邦雖舊其命維新
六伐乃止七德必陳
君臨萬國遂撫八寅

大觀舞歌

皇矣帝烈大哉興聖
奄有四方受天明命
居上

不怠臨下惟敬舉無僇則動無失正物從其本
人遂其性昭播九功肅齊八柄寬以惠下德以
爲政三趾晨儀重輪夕映棧壑忘阻梯山匪夙
如日有恒與天無竟載陳金石式流舞詠咸英
韶夏於茲比盛

臨碣石

碣石送返潮登采禮朝日溟漲無端倪山島玄
崇崒驥老心未窮酬恩豈終畢

四時白苧歌奉

敕

後四句俱
武帝續

春白苧

蘭葉參差桃半紅
飛芳舞縠戲春風
如驕如怨狀不同
含笑流盼滿堂中
翡翠群飛飛不息
願在雲間長比翼
佩服瑶草駐容色
舜日堯年歡無極

夏白苧

朱光灼爍照佳人
含情送意遙相親
嫣然宛轉亂心神
非子之故欲誰因
翡翠群飛飛不息
願在雲間長比翼
佩服瑶草駐容色
舜日堯年歡無極

秋白苧

白露欲凝草已黃金瑄玉柱響洞房雙心一意
俱徊翔吐情寄君君莫忘翡翠群飛飛不息願
在雲間長比翼佩服瑤草駐容色舜日堯年歡
無極

冬白苧

秦箏齊瑟燕趙女一朝得意心相許明月如窺
方襲予夜長未央歌白苧翡翠群飛飛不息願
在雲間長比翼佩服瑤草駐容色舜日堯年歡
無極

湘夫人

瀟湘風已息沅澧復安流揚蛾一含睇嬈娟好
且脩捐玦置澧浦解珮寄中州

貞女引

貞心信無矯傍鄰也見疑輕生本非惜賤軀良
足悲傳芳託嘉樹絃歌寄好詞

君子有所思行

晨策終南首顧望咸陽川戚里遡曾闕甲館負
崇軒複塗希紫閣重臺擬望仙巴姬幽蘭奏鄭
女陽春絃共矜紅顏日俱忘白髮年寂寞茂陵
宅照曜未央蟬無以五鼎盛顧嗤一徑玄

悲哉行

旅遊媚年春年春媚遊人徐光旦垂彩如錦
凝津時嚶起雅葉蕙氣動初蘋一朝阻舊國萬
里隔良辰

白馬篇

白馬紫金鞍停鑣過上蘭寄言狹斜子詎知隴
道難赤坂途三折龍堆路九盤冰生肌裏冷風
起骨中寒功名志所急日暮不遑飡長驅入右
地輕舉出樓蘭直去已垂涕寧可望長安匪期
定遠封無羨輕車官唯見恩義重豈覺衣裳單

本持軀命答幸遇身名完

齊謳行

東秦稱右地川隰固夷昶層峰駕蒼雲濁河流
素壤青丘良杳鬱雪宮信踈敞王佐改殷命霸
功繆周網

緩聲歌

羽人廣宵宴帳集瑤池東開霞泛彩靄澄霧迎
香風龍駕出黃苑帝服起河宮九疑轡煙雨三
山馭螭鴻玉鑿乃排月瑤鼓信凌空神行燭玄
漠帝飭委會虹簫歌 羸女笙吹悅姬童璫漿

且未洽羽轡已騰空
息鳳曾城曲滅景清都中
降祐集皇伐委祚溢華嵩

樂未央

億舜日萬堯年詠湛露歌採蓮
願雜百和氣宛轉金鑪前

永明樂

聯翩貴遊子侈靡千金客
華轂起飛塵珠履竟長陌

携手曲

捨轡下雕輅更衣奉玉牀
聯簪映秋月開鏡比

春粧所畏紅顏促君恩不可長鳩冠且容齋豈
吝桂枝亡

夜夜曲

北斗闌干去夜夜心獨傷月輝橫射枕燈光半
隱床河漢縱復橫北斗橫復直星漢空如此寧
知心有憶孤燈暖不明寒機曉猶織零淚向誰
道鷄鳴徒嘆息

從軍行

惜哉征夫子憂恨良獨多浮天自鯁海東馬渡
交河雪縈九折磴風卷萬里波維舟無夕島秣

驥乏平沙凌濤富驚沫援木闕垂蘿江颺鳴壘
嶼流雲照層阿玄埃晦朔馬白日照吳戈寢興
動征怨寤寐起還歌晨裝豈輟警夕壘詎淹和
苦哉遠征人悲矣將如何

臨高臺

高臺不可望遠望使人愁連山無斷絕河水復
悠悠所思竟何在洛陽南陌頭可望不可見何
用解人憂

白銅鍍歌三首

生長宛水上往宦襄陽城一朝遇神武奮翼起

先鳴

蹄控飛塵起左右自生光男兒得富貴何必還
故鄉

分首桃林岸望別峴山頭若欲寄書信漢水向
東流

月

月華臨靜夜夜靜滅氛埃方暉竟入戶圓影隙
中來高樓切思婦西園遊上才網軒映珠綴應
門照綠苔洞房殊未曉清光信悠哉

詠月篇

望秋月秋月光如練照耀三爵堂徘徊九華殿
九華玳瑁梁華榱與璧璫以茲雕麗色持照明
月光凝華入黼帳清輝懸洞房先過飛燕戶却
映班姬牀桂宮裊裊落桂枝早寒淒淒凝白露
上林曉葉颯颯鳴鴈門早鴻離離度湛秀質兮
似規委清光兮如素照愁軒之蓬髮影金階之
輕步居人臨此笑以歌別客對之傷且暮絳衰
圃映寒叢凝清夜帶秋風隨庭雪以借素與池
荷而共紅臨玉墀之皎皎含露靄之濛濛轡天
衢而從度轢長漢而飛空隱崑崖之半出隔幃

幌而纒通散朱庭之奕奕入青瑣而玲瓏寒階
悲寡鵠沙洲怨別鴻昭姬乞胡殿明君思漢宮
余亦何爲者淹留此山東

風

樓上試朝粧風花下砌旁入鏡光飄粉翻衫好
染香逐舞飛長袖傳歌共遶梁欲因吹少女還
將拂大王

又

臨春風春風起春樹暖絲暗如網落花紛似霧
先泛天淵池還過細柳枝蝶逢飛搖漾燕值羽

差池揚桂旆動芝蓋開燕裙吹趙帶趙帶飛參
差燕裙合且離回看復轉黛領步惜容儀容儀
已照灼春風復回薄氛氲桃李花青跗含素萼
既爲風所開復爲風所落搖綠帶玩紫莖舞春
雪雜流鶯曲房開兮金鋪響金鋪響兮思鳳鳴
梧臺未陰淇水始碧迎行雨於高臺送歸鴻於
碣石經洞房響紈素感幽閨思惟帟想西園可
以遊念蘭翹已堪摘拂明鏡之冬塵解羅衣之
秋褰既鏗鏘以動珮又氛氲而流射始搖蕩以
入閨終徘徊而緣隙鳴珠簾於綉戶散芳塵於

綺席是時悵思婦春風與誰惜佳人不在茲春
風爲誰惜

和王中書德文詠白雲

白雲自帝鄉氛氲屢回沒蔽虧崑山樹含吐瑤
臺月秋風西北起飄我過城闕城闕已參差白
雲復離離皎潔在天漢倒影入華池將過丹丘
野時至碧林垂九重迎飛燕萬里送翔螭

春初

扶道覓陽春相將共携手草色猶自非林中都
未有無事逐梅花空教信楊柳且復歸去來含

情寄杯酒

詠春

楊柳亂如絲綺羅不自持
春草復黃綠客心悲
此時青苔已結洧碧水復盈淇
日華照趙瑟風色動燕姬
襟中萬行淚故是一相思

傷春

弱草半抽黃輕條未全綠
年芳被禁籞烟花繞
曾曲寒苔卷復舒冬泉斷方續
早花散疑金初露
泫成玉

上巳率爾成篇

麗日屬元巳年芳俱在斯
開花已匝樹流鶯復
滿枝洛陽繁華子長安
輕薄兒東出千金堰西
臨鴈鷺陂游絲應空轉
高柳拂池垂綠萍文照
耀紫燕光陸離清晨戲
伊水薄暝宿蘭池象筵
鳴寶瑟金瓶泛玉卮仍
憶蚕眠起日暮桑欲萎
長袂屢已拂雕胡方自
炊愛而不可見宿昔減
容儀早當忘情事嘆息
獨何爲

秋夜

月落宵向分紫烟鬱氛氲
暄暄螢入霧離離鴈
出雲巴童暗理瑟漢女
夜縫裙新知樂如是久

要詎相聞

織女贈牽牛

紅粉與明鏡二物本相親
用持施點畫不照離
居人往秋雖一點一照還
復塵生不復拂蓬
首對河津冬夜寒如此
寧遽首陽春初商忽云
至暫得奉衣巾施子已成
故忽耻輒如新

遊鍾山

靈山標地德地險資岳靈
終南表秦館少室邇
王城翠鳳翔淮海衿帶繞
神垆比阜何其峻林
薄杳葱青發地多竒嶺
千雲非一狀合沓共隱

天參差分相望鬱律構丹巘峻嶒起青嶂勢隨
九疑高氣與三川壯即事旣多美臨眺殊復奇
南矚儲胥觀西望昆明池山中咸可悅賞逐四
時移春光發隴首秋風生桂枝多值息心侶結
架山之足八解鳴澗流四禪隱巘曲窈冥終不
見蕭條無可欲所願從之遊寸心於此足君王
挺逸趣羽旆臨崇基白雲隨玉趾青霞雜挂旗
淹留訪五藥顧步佇三芝於焉仰鑣駕歲暮以
爲期

遊金華山

遠策追風心靈山協爰要天倪臨紫闕道地通
丹微未乘琴高鯉且從嚴陵釣若蒙羽駕迎得
奉金 召高馳入閭闔方覩靈妃笑

守山東

守山東山東萬籟鬱青葱兩谿共一瀉水潔望
如空岸側青莎被巖間丹桂叢上瞻旣隱軫下
睇亦溟濛遠林響咆獸近樹聒鳴蟲路出若溪
右澗吐金華東萬仞倒危石百丈注懸淙掣曳
寫流電奔飛似白虹洞井含清氣漏穴吐飛風
玉竇膏滴瀝石乳室空籠峭煇塗彌險豈岨步

繞通余平生之所愛歛暮年之此逢欲一去而
不還悵鄒衣之未褫挹林壑之清曠事民俗之
紛詭幸帝力之方升值天網之未毀旣除舊而
就新故化民而俗徙播趙俗以西徂扇齊風以
東靡乳雉方可馴流蝗庶能弭清心矯世濁儉
政救民侈秩滿撫白雲淹留事芝髓

劉真人東山還

連峰竟無已積翠遠微微寥戾野風急芸黃秋
草腓我來歲云暮於此悵懷歸霜雪方共下寧
唯沾露衣待余兩岐成去去揜柴扉

泛永康江

長枝萌紫葉清源泛綠苔山光浮水至春色犯
寒來臨睨信永矣望美暖悠哉寄言幽閨夢羅
袖勿空裁

渡新安江貽京邑游好

眷言訪舟客茲川信可珍洞徹隨流淺皎鏡無
冬春千仞寫高樹百丈見遊鱗滄波有時濁清
濟涸無津豈若乘斯去俯映石磷磷紛吾隔躑
滓寧可濯衣巾願以潺湲水霑君纓上塵

侍宴謝朓宅東歸應制

皇情悵東舳羽旆拂南廛夏雲清朝景秋風揚
早蟬飲和陪下席論道光上筵

侍宴樂遊苑餞呂參軫應詔

丹浦非樂戰負重切君臨我皇蘊至德恭已用
堯心愍茲區宇內魚鳥失飛沉推轂三嶠道揚
旆九河陰超乘盡三屬選士皆百金戎車出細
柳鉞席遵上林興師誅後服授律緩前禽函轅
方解帶驍武已披襟伐罪芒山曲弔民伊水潯
將陪告成禮待此未抽簪

侍遊方山應制

清漢夜昭哲扶桑曉陸離發吹重陽下建羽朝
夕池撻金浮水若聳蹕詔山祇一染九霄露藜
藿終自知

三日侍林光殿曲水宴應制

宴鎬鏘玉鑿遊汾舉仙軼榮光泛彩旌脩風動
芝蓋淑氣婉登晨天行聳雲旆帳殿臨春禦帷
宮繞芬薈漸席周羽觴分墀引迴瀨穆穆玄化
升濟濟皇階泰將御遺風軫遠侍瑤臺會

庭雨應詔

出空寧可圖入庭倍難賦非烟復非雲如絲復

如霧靄靄裁欲垂霏微不能注雖無千金質聊
爲一辰趣

詠箏

秦箏吐絕調玉柱揚清曲絃依高張斷聲隨妙
指續徒聞音繞梁寧知顏如玉

又

彼美實孤枝孤篠定參差鷓鴣已嘲哲棗下復
淋漓本期王子晉寧待洛嬪吹

遊仙

朝止閭闔宮高宴清都闕勝蓋隱奔星低鑿避

行月九疑紛相從虹旌乍升沒青鳥去復還高
唐雲不歇若華有餘照淹留且晞髮

酬孔通直過懷蓬居

闔闔旣洞啓龍樓亦高闕兩宮集鸞步二闥引
通籍伊邇事清途紛吾供賤役

酬謝宣城眺

王喬飛鳧舄東方金馬門從宦非宦侶避世非
避諠揆余發皇鑒短翮屢飛翻晨趨朝建禮晚
沐卧郊園賓至下塵榻憂來命綠尊昔賢侔時
雨今守馥蘭孫被交疲夢寐路遠隔思存牽拙

謬東汜浮情反西岷顧循良菲薄何以儼瓊璠
將隨渤澥去刷羽汎清源

送別友人

君東我亦西啣悲涕如霰浮雲一南北何由屢
言宴方作異鄉人贈子同心扇遙裔發海鴻連
翩出簷燕春秋更去來參差不相見

別范安成

平生少年日分手易前期及爾同衰暮非復別
離時勿言一樽酒明日難共持夢中不識路何
以慰相思

別謝文學

漢池水如帶巫山雲似蓋一望沮漳水寧思江海會以我徑自心從君千里外

從齊武帝瑯琊城講武應詔

九功播祧埤七德陳舞懸展事昌國圖息兵由重戰皇情咨闕典出軍追辰選飾徒映寒隰翻綏臨廣甸颯沓佩具戈參差腰夏箭風旆舒復卷雲霞清似轉輕舞信徘徊前歌且遙行秋原嘶代馬朱光浮楚練虹壑寫飛文巖阿藻餘絢發震岳靈從揚旌水華變憑高訓武則中天起

遐眷鳳蓋掩洪河珠旗掃長汧方待翠華舉遠
適瑤池宴

傷王融

元長秉竒調弱冠慕前蹤眷言懷祖武一篲望
成峯塗艱行易跌命舛志難逢折風落迅羽流
恨滿青松

傷謝朓

吏部信才傑文鋒振竒響調與金石諧思逐風
雲上豈言凌霜質忽隨人事徃尺璧爾何寃一
日同丘壤

傷庾杲之

右率復時譽秀出冠朋僚聳茲千仞氣振此百
尋條蘊藉含文雅散朗溢風颯楸櫟今已合容
範尚昭昭

傷王謨

長史體閒任坦蕩無外求持身非詭遇應物有
虛舟心從期好盡形爲歡宴留歡宴未終畢零
落委山丘

傷虞炎

東南旣擅美洛陽復稱才携手同懽宴比跡共

遊陪事隨短秀落言歸長夜臺

傷李珪之

少府懷貞節忘軀欣所奉吏道勤不息繁文長
自擁旣闕優孟歌身沒誰爲寵

傷韋景猷

韋叟識前載博物備戎華稅驂止營校淪跡委
泥沙始知庸聽局方誤大音賒

傷劉渢

處和無近累天然有勝質蕭瑟負高情耿介懷
秋實義貴良爲重蘭摧非所恤一罷平生言寧

知携手日

傷胡諧之

豫州懷風範綽然操雅度處約志不渝接廣情
無忤頽頽事刀筆汾淪逝朱素美志同山浮何
年迫朝露

悼亡

去秋三五月今秋還照梁今春蘭蕙艸來春復
吐芳悲哉人道異一謝永銷亡簾屏既毀撤帷
席更施張遊塵掩扉座孤帳覆空牀萬事無不
蓋徒令存者傷

又登玄暢樓

危峰帶北阜高頂出南岑中有風陵榭迴望川
之陰岸險每增減湍平互淺深水流本三派臺
高乃四臨上有離群客客有暮歸心落暉映長
浦煥景燭中潯雲生嶺乍黑日下溪半陰信美
非吾土何事不抽簪

麥李

青玉冠西海碧石彌外區化爲中園實其下成
路衢在先良足貴因小邈難逾色澗房陵縹味
奪寒水朱摘持欲以獻尚食且踟蹰

園橘

綠葉迎露滋
米苞待霜潤
但令入玉盤
金衣非所悵

應詔詠梨

大谷來旣重
岷山道又難
摧折非所悵
但令入玉盤

答元金紫餉朱李

穠花春發彩
結實下成蹊
潘生咏金谷
魏后沉寒溪
逢君重妖麗
移翫入崇閨
慙無瓊玖報
徒用萃幽棲

詠青苔

綠苔已漠漠，汎水復綿綿。
微根如欲斷，輕絲似更聯。
長風隱細草，深堂沒綺錢。
繁鬱無人贈，蕨蕤徒可憐。

和竟陵王遊仙詩

天矯乘絳仙，躡衣方陸離。
玉鑿隱雲霧，溶溶紛上馳。
瑤臺風不息，赤水正漣漪。
崢嶸玄圃上，聊攀瑤樹枝。

去東陽與吏民別

微薄叨今幸，恭荷非昔期。
唐風豈異世，欲民重

在茲飾驂去關輔分竹入河淇下車如昨日曳
組忽彌蒼霜載凋秋草風
動春旗

餘雪

陰庭覆素正南階褰綠施玉臺新落搆青山已
半虧

奉和竟陵王

用郡縣名

西都富軒冕南宮溢才彥高闕連朱雉方渠漸
游殿廣川肆河濟長岑繞嶠并曲梁濟危渚平
臯騁悠眇青淵皎澄徹曾山鬱葱藉陽泉濯春
藻陰丘聚寒霰西華不可留東光促奔箭望都

游子懷臨戎征馬倦既豫平臺集復齒南皮宴
一窺長安城羞言杜陵掾

又

用藥名

丹草秀朱翹重架臺危岵水蘭路易飲射干枝
可結陽隰採辛夷寒山望積雪玉泉亟周流雲
華乍明滅合歡葉暮卷爵林轂夜切垂景迫連
桑思仙慕雲埒荆實部丹瓶龍荔汗奔血照幄
乃夜光盈車非玉屑細柳空葳蕤水萍終委絕
黃符若可挹長生未昭皙

和陸慧曉

用百姓名

建都望淮海樹闕表衡稽并幹風雲出栢梁星
漢齊皇王臨萬宇惠化覃黔黎吉士服仁義宿
昔乘華圭庸賢起幽谷欽言非象犀端委康國
步偃昔召邦攜舉政方分策易紀粲金泥伊余
沐嘉幸由是別園畦曾微涓露荅光景逐雲西
方隨鍊丹子薄暮矯行迷

正陽堂宴勞凱旋

覲入同高宴飲至勻多祜昔往歌采微今來歡
杖杜善戰惟我皇勝之不窺戶推轂受神謨餘
壯終能賈浩蕩金罍溢周流玉觴傳

出重圍和傳詔

魯連揚一策陳平出六奇邯鄲風雨散白登煙
霧維排雲出九地陵定振五卮

宿東園

陳王鬪雞道安仁采樵路東郊豈異昔聊可閒
余步野徑旣盤紆荒阡亦交互槿籬踈復密荆
扉新且故對頂鳴風颺草根積霜露礪磨去不
息征鳥時返顧茅棟嘯愁鴟平岡走寒兔夕陰
帶層阜長烟引輕素飛光忽我適豈止歲云暮
若蒙西山藥頽齡倘能度

行園

寒瓜方臥壟秋菰亦滿陂紫茄紛爛熳綠芋鬱
參差初菘向堪把時非日離離

餞文學離夜

漢池水如帶巫山雲似蓋滌汨皆吳潮潺湲橫
楚瀨一望阻漳水寧思江海會以我徑寸心從
君千里外

箎

江南簫管地妙嚮發孫枝殷勤寄玉指含情舉
復垂雕梁再三繞輕塵四五移曲中有深意丹

心君詎知

四城門

六龍旣驚軫二鼠復馳光
衰齡難慎輔暝質易凋傷

和王衛軍解講

妙輪輟往駕寶樹未開音
甘露爲誰演得二標道心
眇眇玄塗濶高議總成林
七苑屏塵相入解濯芳襟

華山館爲國家營功德

沐芳禱靈岳稽首恭上玄帝
昔祈萬壽臣今請

億年丹方緘洞府河清時一傳錦書飛雲字玉
簡黃金篇

陶先生登樓不復下

側聞上士說尺木乃騰霄雲駟不展地仙居多
麗譙臥得三芝秀坐對百神朝啣書必青鳥嘉
客信龍鑣非止靈桃實方見大椿凋

赤松澗

松子排煙去英靈眇難測惟有清澗流潺湲終
不息神丹在茲化雲駟於此陟願受金液方片
言生羽翼渴就華池飲飢向朝霞食何時當來

還延竚青巖側

清旦發玄洲

清旦發玄洲日暮宿丹丘崑山西北映遊泉東
南流霓裳拂流殿雲車委輕霰崢嶸上不睹寥
廓下無見

沈道士館

秦王御宇宙漢帝恢武功歡娛人世盡情性猶
未充銳意三山上託慕九霄中既表祈年觀復
立望仙宮寧爲心好道直由意無窮曰余知止
足是願不須豐遇可淹留處便欲息微躬山嶂

遠重疊竹樹近蒙籠開襟濯寒水解帶臨清風
所累非物外爲念在玄踪朋來挹石髓賓至駕
飛鴻都令人徑絕惟使雲路通一舉陵倒景無
事適華嵩寄言賞心客歲暝爾來同

三日侍鳳光殿曲水宴應制

光遲蕙畝氣婉椒臺皇心愛矣帝曰遊哉玉鸞
徐鶩翠鳳輕迴別殿廣臨離宮洞啓川祗奉壽
河宗相禮清洛漸筵長伊流陞洄盪嘉羞搖漾
芳醴輕歌易遶弱舞難持素雲留管玄鶴停絲
引思爲歲歲亦陽止叨服賁身身亦昌止徒勤

丹漆終愧文梓

爲臨川王九日侍太子宴

涼風北起高鴈南翻
葉浮楚水艸折梁園
淒清霜野惆悵晨鷗
雲輕寒澗日麗秋暎
三金廣設六羽高陳
寒英始獻涼酎初醇
靡靡神裕鏘鏘群彥
思媚儲猷洽和奉宴
恩暢蘭席歡同桂殿
景遽樂推臨風以眷
麗景天枝位非德舉
任伍辰階祚均河楚
負岳未勝瞻雲難侶
望古興惕心焉載佇

九日侍宴樂遊苑

憑玉宅海端宸御天止流飛壑靜震騰川疑神
賁極摘道漏泉西裘一作服委衽南風在絃暮芝
始綠年桂初丹上林葉下滄池水寒霜霑玉樹
鴈動輕瀾停蹕玉陛徙衛璇墀琯箱鳳綵羽蓋
鸞姿虹旌迢遞翠華歲蕤禮弘灞汭義高洛湄

翫庭柳

輕陰拂建章夾道連未央因風結復解沾露柔
且長楚妃思欲絕班女泪成行留人未應去爲
此還故鄉

簷前竹

萌開籜已垂結葉始成枝
繁蔭上鬱鬱促節下
離離風動露滴瀝月照影參差
得生君尸牖不願夾華池

湖中鴈

白水滿春塘旅雁每迴翔
唼汙牽弱藻歛翮帶
餘霜群浮動輕浪單汎逐孤光
懸飛竟不下亂起未成行
刷羽同搖漾一舉還故鄉

侍宴詠反舌

假容不足觀遺音猶可薦
幸蒙喬樹恩得以聞
高駝

應令大言

隘此大汎庭方知九陔局窮天豈彌指畫天不
容足

應令細言

蕭丞相弟詣世子車中

廉公失權勢門館有虛盈貴賤猶如此况乃曲
池平高車塵未滅珠履故餘聲賓階綠苔滿客
位紫莓生唯當九原上鬱鬱望佳城

蕭子範入元襄王第

伏軾窺東苑，收淚下玉橋。昔時方轂處，于今共
寂寥。夾池猶裊裊，仙樹尚迢迢。一同西靡栢，徒
思芳樹蕭。

聽蟬鳴應詔

輕生宅園籞，復得捷嘉樹。豈敢擅洪枝，輕條遭
所寓。葉密形易揚，風回響難住。

經劉瓛墓

表間欽逸軌，式墓禮貞魂。化塗終眇默，神理曖
猶存。塵經未輟幌，高衡已委門。華陰無遺布，楚

席有靈樽

侍皇太子釋奠宴

復禮曲臺反樂宣榭闕文內舉輜軒外駕結朋
千里從師百舍隊典必從闕祀咸薦迴鸞獻爵
披金委奠肆士辨儀胥人掌縣髣髴神蹤徘徊
靈睭

爲南郡王侍太子釋奠宴

陵季相公訓隨世始政缺雅乖風離化改禮亡
衽席樂沉河海一雍靡構四教誰采瞻震並峻
義屬重麗橫書清道晦生知

梁沈約集終